

„კისისხევის კლდეში ნაკვეთი გამოქვაბულების კვლევითი სამუშაოების საპროექტო - სახარჯთაღრიცხვო დოკუმენტაციის შესყიდვა“

პრეამბულა

სოფელი კისისხევი მდებარეობს თელავის მუნიციპალიტეტში ქ. თელავიდან 5 კმ-ში. გომბორის ქედის ჩრდილო-აღმოსავლეთის კალთაზე, მდინარე კისისხევის მარცხენა ნაპირას, ზღვის დონიდან 600 მეტრზე.

კისისხევი აქტიურად იყო ჩართული საქართველოს სამეურნეო კულტურულ ცხოვრებაში, მასზე გადიოდა უძველესი საქარავნო გზა.

კისისხევეში არსებული ისტორიული ძეგლები სიმრავლე გვაფიქრებინებს, რომ სოფელი და მისი შემოგარენი კახეთში ქრისტიანობის გავრცელების ერთ-ერთ ცენტრსაც კი წარმოადგენდა. კისისხევის ტყეში უხვადაა გაბნეული ეკლესიები. ხალხი მათ „რიგის საყდრებს“ უწოდებს. „რიგის საყდრებიდან“ ბილიკები გამოქვაბულებისკენ ეშვება. ერთ-ერთი მოსაზრებით მტრების შემოსევისას სოფელი ამ გამოქვაბულებს აფარებდა თავს.

კისისხევის კლდეში ნაკვეთი გამოქვაბულები, რომელსაც ხალხი კონდამიანის ქვაბებსაც უწოდებს, მდებარეობს სოფელ კისისხევის დასავლეთით, ხეობაში. ძეგლი წარმოადგენს კლდეში ნაკვეთი გამოქვაბულების სისტემას. ამჟამად ზოგი მათგანი ჩამონგრეულია და ერთი გამოქვაბულიდან მეორეში გადასვლა ვერ ხერხდება. მღვიმეები განლაგებულია გარკვეული სისტემით და შექმნილია, რამდენიმე ჰორიზონტალური მწკრივი. გამოქვაბულების საფუძვლიანი კვლევა და არქეოლოგიური შესწავლა არ მომხდარა.

არსებულ ტერიტორიის შესწავლა მნიშვნელოვან ინფორმაციას მოგვცემს აქამდე უცნობი არქეოლოგიური ობიექტის შესახებ, რომლის შესწავლის შემდეგ შესაძლებელია ეს ტერიტორია გახდეს არქეოლოგიურად და ტურისტულად მნიშვნელოვანი ლოკაცია.

მოთხოვნები: დოკუმენტაციის ჩაბარების საბოლოო ვადაა ხელშეკრულების გაფორმებიდან 20 (ოცი) კალენდარული დღე.

შენიშვნა:

პროექტირების პროცესში ძეგლზე ფიზიკური სამუშაოების შემთხვევაში, ტენდერში გამარჯვებული პირი ვალდებულია ხელშეკრულების გაფორმების შემდეგ, სამუშაოების დაწყებამდე, გადაიხადოს სანებართვო მოსაკრებელი კულტურული მემკვიდრეობის ძეგლზე სამუშაოების ნებართვის მისაღებად 50 (ორმოცდაათი) ლარის ოდენობით და აიღოს შესაბამისი ნებართვა სამუშაოების წარმოებაზე.